



Senin, 09 Desember 2024

Ogen: Lukas 7:37



Diberu Perlua-Lua



Berita kerna Jesus enggo mbar, viral, emaka ku ja pe Ia lawes minter ieteh kalak. Janah kerehenna kusada-sadaingan minter nterem kalak ersura-sura jumpa, alu erbage-bage sura-sura. Ibas renungenta sendah enda Jesus ngaloken tenah sekalak Parisi si tegelar Simon, reh Ia dinging man Ia ije. Berita enda pe ipakeken sekalak diberu guna nehi sura-surana, si tentu enggo ndekah lit, tading ndarami kesempatan me. kesempatan enda ipakena alu maba minak simerim, sada botol marmer buena. Lukas nuratken maka diberu enda sekalak si icap masyarakat sekalak perdosa. Ertina, kalak perdosa la saja ikucilken masyarakat tapi pe la lit hakna guna bergabung ras nta pe njumpai Jesus si ihamati kalak paksa e. Jadi perenungen, ngkai maka ia banci reh ku rumah Simon epe jadi penungkunen. Tapi sipasti, sura-sura simbelin e mpengasup ia ndarami dalam ras cara kuga maka banci tersehi. Alu persikapan si unngo mehuli, minak siibabana tentu ndekah me ia enggo ersura-sura ras ersikap. Bagenda me sekalak diberu siperdosa, perlua-lua merincuh jumpa ras Jesus jadi sada tanda kerehen Jesus kujapa pe terbegi ku kerina kalangen, si meteh surat, kalak Parisi, si perlua-lua, siperdosa, pemungut cuke ras kalak sakit. Kerehenna kerina tentu erbage latarbelakangna. Tapi sipasti, penggejapen ras pengakunna selaku kalak sierdosa ncidahken kinitekenna man Jesus alu perbahanenna. Sabab ibas pusuh manusia lit si bersih. Mereken ran minaki sekalak jemla ncidahken kehamaten, pengergan, mindo pengampunen. Labo sebage sogok. Kita pe kalak perdosa, labo kita sekalak perlua-lua tapi banci saja erbage bentuk dosa ras pelanggarenta. Kuga kita nehken kehamaten man Jesus si nggit nebusi kita? Mari kekelengen Dibata, siminaki Jesus alu minak simeherga eme keleng ate dinging perbahanen ras kepatuhenta.